

207 *A dì 17 octubrio.* Da poi disnar el doxe, con il collegio, andoe in li piati a l'arsenal, a veder come stava la caxa.

*Et fo letere di Romagna.* Come il papa era pur a Forli; et il marchese di Mantoa prese a certo passo 40 cavali di Bologna, et li à mandati con gran festa a presentar al papa; et par che bolognesi preseno zercha 60 cavali di Zuan di Saxadello, si che è più il damno cha la victoria dil papa.

*A dì 18, fo San Lucha.* Fo gran consejo. Fo leto la parte metevano li consieri zercha le oblation etc.; et vedendo il mormoro dil consejo, non fo balotata, ma rimessa a uno altro consejo. Fo fato avogador di comun sier Zuan Badoer, dotor, cavalier, fo podestà a Chioza; et il Gradenigo, nominato di sopra, andò mal in seurtinio, fo tolto, a gran consejo, et non passò.

Fo fato asaper a tutti, come domenega vegneria a gran consejo l'orator dil soldan, perhò tutti veniseno ben in hordine, et quelli havevano corotto buttasseno zoso per quel zorno.

*A dì 19.* Da poi disnar fo colegio, dil doxe, consieri, e savij; a consultar.

*A dì 20.* Fo pregadi. Et leto le infrascripte lettere:

*Da Ravena, Cesena et Faenza, di 17.* El partir dil papa de Forli a di 17 per Ymola, fazea la volta di Marada et Castro Caro, per non passar per el teritorio faventino. El marchese di Mantoa havea abuto a pati San Zuane, Castel Gelfo, del qual hessendo ussiti cavali 60 in zercha, fo mandà driedo et presi 40, mandati al papa, de la qual cossa fece festa asai de bon principio. Le gente dil papa erano alozate per ditti castelli, videlicet Castel Bolognese et Butri. Missier Zuan Bentivoy non ha voluto che se publica l'interdito dil papa in Bologna, et fece dir a quello l'havea, che si l'publicava saria butato fuor dil palazzo; e havia fato brusar tutti i strami di fuora, et levato el vino, e dil resto scocomato, perchè l' si spandi. Havea tolto in casa tre suspeti, videlicet Adrovandi, uno di Grati, nepote di domino Carlo, e uno da Castello; havea parlato al populo, dicendo che volendo l'horo, el se leveria, a zìo non patiscano; e che tutti cridono che l' stesse. Per letere di Ferrara, dil vicedomino, di 18, era stà morti tutti di la fameja di Fantini, inter quos alcuni zentillhomeni, et de i Manzuoli, per esser stà trovati in caxa le insegne di la Chiesa e dil papa. I oratori 6, el papa non li ha voluto dar licentia, immo erano stà comessi al prothonotario de Pais, dicendo tenirli apud se, come sui subditi,

non come oratori. El papa era resentito de gote. Zuam Paulo Manfron, condutier nostro, era passato, et era su quel di Ravena, con cavali 700; el cardinal Grimani era passà per Faenza, non se firmando; el cardinal Santa Praxede era restato li la note; et l'orator nostro era zonto in Faenza. El cardinal di Ferara era zonto a far reverentia al papa; el duca di Ferara dovea partir a di 21 di Ferara per andar dal papa; et el papa avea licentia fanti 1000 de Urbin 207 et non darli la segunda paga, partivano mal contenti. Similiter el marchese di Mantoa, rezercando danari dal papa, li fo risposto che l' provederà al fratello de beneficij etc.; et à concordato col cardinal Roan li capitoli per aver le zente francese, e concesso, oltra la legation, etiam la colation di beneficij, etiam concistoriali, in el stato di Milan, la qual cossa li cardinali non voleva consentir. Da Milan, el gran maistro, monsignor di Chiamon, parti a di 16 per Lodi e Parma, con le artilarie, anderano a Modena, poi a Cento e la Piove. El papa àtrato di Forli do bombarde, 4 colobrine, et 4 passavolanti. Item, a Milan erano zonti mille bertoni, non atti a guerra.

*Di sier Cabriel Moro, orator, di 11, da le Spezie.* Come era stà a Corsica per fortuna, era su le nave. El re era stà a Zenoa apresentado de uno bazil d'oro, dove non dismantò. Era zonto a lui, con do nave, certi baroni dil regno di Napoli, che erano presoni, da esser liberati per lo apuntamento con Franza, el signor de Conza, el marchese de Bifonte et altri. Item, il gran capitano con 4 galie havia mandà a Napoli, a dir che l' non volea intrar con pompa, propter obitum dil re di Castella suo zenero.

*Di Ferara, di 28.* La novità di Carpi, dil signor Alberto, con expugnation dil palazzo.

*Di Udene.* Che quelli fanti 900, che erano a Mariam, se dicea voleano tornar a Vilacho, per far la via di Trento e venir in Italia. Era zonto a Vilaco el messo dil capitano dil re, con i sei milia fiorini rains abuti da la Signoria nostra.

*Di Elemania.* La cesarea majestà parti da Graz a di 13 per Baviera, a uno loeo nominato San Vido, dove se fa la investitura di la Carintia, con cerimonie, a le qual volea se trovasse l'orator nostro, poi ad Augusta, per venir in Italia per il mexe di novembro. Volea andar a casa di uno poreo zingiaro; havea dito a l'orator, che l' volea esser bon amico di la Signoria, et che l' se daria modo dil passar quieto per i lochi di la Signoria; e che l' havea ad esser ultimo imperador di la so fameja; e che l' fiol, re